

Zunḡwire á wakita na a puwetaa PIYER

Ga use á Piyer

¹ Wakita na yá anḡkwa á puwaná ba iya Piyer, ya slebela á Yaisu *Almasiihu. Yá puwakurte ge kure emnde na a dzerakursaa Dadaamiya ge kwa emnde-aarire na. Yá puwakurte ge kure na kyarakuraakya am larde á kure, kwa wayve-aha kina am Pauntus, am Galatiya, am Kapadaukiya, am Aziya ira Bitiniya. ² Amá a wayete vateneka Eddemiya Dadaamiya geni á gakturvege emnde-aara an hakuma á Shedefkwe Cudedǵde, kwá fansarfe ge Yaisu Almasiihu, kwá gevge emnde cudedǵde an uzhe-aara.

A magakuránmaga Dadaamiya ḡgurna ba kwakya, a vakurteva hairire keni ba estuwa.

Tama na á zleka na

³ Galaumigálá Dadaamiya Eddenjara ge Yaakadada á miya Yaisu *Almasiihu! Adaba kwakya zavarzire-aara áte miya, a tsantaa ḡjane Yaisu am faya. An una ḡanna wá, a vamitaa shifa anḡwaslire antara tama na á zleka na ge miya. ⁴ Zlabe ádaliye Dadaamiya a famiyaa duksa shagera na á ḡjeka liya, á badzeka, á guleka dekiǵeki na am samaya. ⁵ Daaci kure emnde na fakurtarfe na wá, anḡkwa á tsufakurtsufa Dadaamiya an hákuma-aara. Vaci zla á duniya wá, á de lyakurselye náza ba dekiǵeki, tá de nanna emnde bademme.

⁶ Adaba tama á kure áte duksa-aha ñanna wá, naba higauhiga, ma kwá anjwa á shá zladá á duksa gergere keni, ba ge sarte cekwaangudí. ⁷ Zladá na kwá sháná kure kina na wá, bademme á una ba ge kura fetarfire á kure, máki fakurtarfe á ba an jirire. Dindar wá, á njeka dem ba ge dekideki. Amá tá ezzhárá emnde am kára, máki ba dindar miyenne. Sakwa fetarfire emtu? Diyaweddiye geni an dárádza ba fetarfire á kure arge dindar. Zladá á kure kina na wá, ba ge kura fetarfire á kure ñanna. Am iga a una ñanna maa, watse kwá shá gálá áza Dadaamiya, antara yaikkire ira dárádza, vacite na má watse sasse Yaisu Almasiihu á sawa am ice á emnde bademme. ⁸ Ndza nakuranka an ice á kure, kina keni baaka ura á nanna, aley wayakurwáyá, fakurtarfe áte ñane. Adaba una ñanna emtake ervaunđe á kure, kwakya higa á kure, yá taa palanaaka bademme. ⁹ Kwakya higa á kure, adaba diyakurdiya názena kwá de shaná kure adaba fakurtarfe na. Duksa ñanna wá, kwá de lyelye shifa á kure.

¹⁰ Ate elva a lya shifa ñanna wá, nabihaha ta ettataya diyeddiye-aara an enjkale-aatare bademme, ganakini Dadaamiya á de lyaná es-tara emnde. Daaci ta fantau ge balateraa ngurna ñanna kwa shanaa kure na ge emnde. ¹¹ Emtsaadé wá, a balatersaa Shedekwe á Almasiihu na anjwa am itare na, zladá na watse á de shaná Almasiihu ñanna, antara yaikkire na watse á de shaná am iga a zladá ñanna. Daaci ta ettataya diyeddiye-aara an enjkale-aatare bademme, ganakini watse á de

magava am zamane-ara, á de magava estara. ¹² Dadaamiya a naba maraterse ganakini duksa ñanna wá, watse á magava am zamane-aatare ka, amá am zamane á kure. Ta balakurse ba ñane emnde a bala labare á higa, elva á Almasiihu. Ta balakurse waazu ñanna an hákuma á Shedefkwe Cudedfde na a belanaa Dadaamiya á sawa am samaya na. Ba malika-aha keni tá kátá ba dise hufde-aara bademme.

Gawevge emnde cudedfde

¹³ Adaba una ñanna maa, ma vaatara keni njawinja á ba am niya á kure ge daba Dadaamiya, pauka hare dekideki, faufa tama á kure áte ngurna na ni á de magakurná Dadaamiya vaci eptsa á Yaisu *Almasiihu.

¹⁴ Daaci kina wá, fawansarfe ge Dadaamiya, yawanya mazla-aara mága názena á kataná ire á kure na. Adaba kina wá, diyakurdiya jirire.

¹⁵ Gawevge emnde cudedfde am názena kwá maganá kure bademme, ba seke Dadaamiya na a dfaakurtaa ñane, ñane cudedfde na. ¹⁶ Adaba a ba wakita á Dadaamiya: «Gawevge emnde cudedfde, adaba iya ya cudedfde.»

¹⁷ Am maduwa á kure kwá anjwa dfaa Dadaamiya an Dada. Watse á kyaná ba ñane shairiya á emnde bademme, ma ware keni áte názena a maganaa edda-aara, ñane á zhareka ice á ura dekideki. Máki diyakurdiya estuwa wá, kuvaukuva ba Dadaamiya palle am zláláva á kure bademme, am sarte á kure na jauje cekwaanjudi ge njá am duniya na. ¹⁸ Diyakurdiya geni a se varakursaa ba

Yaisu Almasiihu am zlaláva á eggye-aha a kure werre na baaka nampire-aara dekideki na. A varakurse an shungu ka, an dindar ka, adaba duksa-aha nanna tá njeka dem ba ge dekideki. ¹⁹ Amá a varakurse an uzhe á ire-aara jauje ge duksa bademme. Yaisu Almasiihu wá, nane gevge ba seke egdza zhel kyawe á sadake á Dadaamiya, baaka ververe áte nane, baaka duksa mandzawe am nane dekideki. ²⁰ A ek-sesaa Dadaamiya ganakini watse á varakurvára an nane na wá, kwaye am fakta, amá náwa a sanse am sali kataliya á zamane na, ganakini á magakurá shagerire nanna. ²¹ Adaba ba nane una, fakurtarfe áte Dadaamiya na a tsante nane am faya, a vante yaikkire na. Estuwa, fakurtarfe áte Dadaamiya, fakurtefa tama á kure á ba áte nane palle.

²² Kina wá, an bára ervaunde á kure, adaba kwá an kwa fansarfe ge Dadaamiya am elva-aara na ba jirire na. Adaba una nanna, kwá an kwa waya egdzar mama-aha á kure an ervaunde á kure palle. Daaci wayawavewaye am dagave á kure ma vaatara keni áte una nanna. ²³ Adaba Dadaamiya yaikurseye ge buwire an elva-aara na á fá shifa am ura, á zleka dekideki na. Daaci kina wá, gakurevka wulfe-aha á edda una á emtsa na, amá kwa wulfe-aha á edda á shifa na á zleka dekideki na. ²⁴ Adaba a ba wakita á Dadaamiya:

«Bademme á emnde ta ba seke másá, á shekwaaka ula, zarire-aatare ba seke zarire á ugbene-aha, á shekwaaka valya á dem áhá.

²⁵ Amá elva á Yaakadada wá, á njá dem ba ge dekidefeki.»

Elva nanna wá, ba labare á higa na kwa cenancena na.

2

Nákwá á shifa an emnde cufedfe

¹ Ba seke una ni Dadaamiya a vakurte shifa anwaslire na wá, yawanya mazla-aara mága kemangerire antara fida, faskire, shelha ira zá vuwa á ura. ² Kure wá, gawevge ba seke egdzara áte erva, wedera-aatare ba uba geni tá wálá an nane. Kure keni, tatayautataya ba elva á Dadaamiya á jirire, geni kwá wálá an nane. Á de lyakursá ba nane náza ba ge dekidefeki. ³ Ábi kina wá, tapakurnaatapa emtakire á Yaakadada?

⁴ Sawmbare á sezenara. Adaba nane nákwá na á vante shifa ge ura. Velyaranvevely emnde, a ba itare: Nákwá na laake, amá a eksesaa Dadaamiya, jauje ge nákwá-aha umele bademme an daradza. ⁵ Daaci sawmbare á sezenara, kure keni gawevge nákwá-aha á shifa, Dadaamiya á nyaña bere-aara an nane, á njá Shedefkwe-aara am hude-aara. Zlabe adaliye am bere á Dadaamiya nanna maa, kwá gev *limanaha cufedfe ge danaa sadake ge Dadaamiya áte una á kataná nane. Á de hayanhaya sadake á kure adaba Yaisu *Almasiihu. ⁶ Adaba an kwa an puwa am wakita á Dadaamiya, a ba nane:

«An kwa nákwá palle an daradza jipu ya eksesaa ya, watse yá nyaña bere-aaruwa an nane am *Siyauna, á de náná nane ndzedfa

á bere ñanna baɗemme. Ma a fetaara ware áte nákwá ñanna keni, á hasleka ɗekiɗeki.»

⁷ Daaci ázekure na fakurtarfe áte ñane na wá, nákwá ñanna an daradza jipu. Amá emnde na fartarka áte ñane na wá, estuweka. Adaba a ba wakita á Dadaamiya:

«Ba nákwá ñanna ta eblyanvaa emnde a nyáña bere na una, a eksantehe ge Dadaamiya, a ganve nákwá na á ñáná ñane ndzeɗa á bere ñanna baɗemme.»

⁸ A baa ba wakita á Dadaamiya ñanna zlaɓe ádaliye:

«Nákwá ñanna á de gev náza vatertaa ektápaare ge emnde umele, á de mbaɗatermbaɗa.»

Tá mbaɗá, adaba tá fansarka ge Dadaamiya. A tsanaa ba estuwa Dadaamiya ge jeba á emnde ñanna.

⁹ Daaci kure wá, kwa jeba na a dzerakursaa Dadaamiya, kwa *liman-aha á Slekse yaikke, kwa nalga cuɗeɗe na kwá átuge Dadaamiya. A ɗaakursaa Dadaamiya am tabeɗammire, a sakuraa á sem parakkire-aara na hyemhye am sleɗe baɗemme na. Dadaamiya a gakurve estuwa, geni kwá balaterá shagerire á slera-aha-aara ge emnde. ¹⁰ Werre wá, ndza kwa emnde a Dadaamiya ka, amá kina wá, gakurevge emnde a Dadaamiya. Werre wá, ndza zakurvarka Dadaamiya, amá kina wá, aɓkwa á zakurvarze.

Gawevge emnde a slera á Dadaamiya

¹¹ Egdzar mama-aha-aaruwa, am duniya na wá, kwa ba wayve-aha, kwá njá ba ge sarte

cekwaangudi. Adaba una nanna, taslawá á kure, magauka názena á kataná ire á kure mazla-aara, á kedákurá ba una nanna. ¹² Zláláva á kure a gevge shagera am dagave á emnde na baaka nadina-aatare na. Daaci estuwa, ma ta fakuraa áte kwa emnde a mandzawe keni, ta de diyeddiye geni ndza baaka haypa á kure, daaci tá de gala Dadaamiya vacite na má watse daraada ákatarafke-aara.

¹³ Kure emnde na dabakurtedaba Yaakadada á miya Yaisu *Almasiihu wá, faufa zherwe áte emnde na tá an hákuma am duniya na bademme. Faufa zherwe áte male á larde á Rauma, adaba ire ba nane arge male-aha umele bademme. ¹⁴ Faufa zherwe áte male-aha á larde na a bazlateraa nane bademme. A bazlater geni tá za emnde a mága shagerkire an bikere, tá gálá emnde a mága shagerire. ¹⁵ Kure wá, Dadaamiya á kátá kwá maga ba shagerire kina, geni a sharanka ngudi-aha na baaka názu ta disaa itare na ndaha elva mandzawe áte kure dekideki. ¹⁶ Kina wá, kwá kwaraná ba kure ire á kure, njawinja ba estuwa. Amá am kwará ire á kure nanna wá, bawánka zlafe am ervaunđe á kure geni kwá dzegwándzegwa mága mandzawire keni. Gawevge emnde a slera á Dadaamiya. ¹⁷ Faufa zherwe áte emnde bademme, wayauwaya an egdzar mama-aha á kure emnde a fetarfe, kuvaukuva Dadaamiya, faufa zherwe áte male á larde á Rauma keni.

*Shaa zlafa áte náza á *Almasiihu*

¹⁸ Náwa una wá, yá ndaakur ge kure kwa emnde a mága slera am mba á emnde: Fawatersarfe ge zanwe-aha á kure. Faufa zherwe

áte itare ba shagera, ma áte zanwe-aha na ta mándzawe-aha keni. ¹⁹ Máki bashakurubashe zladá adaba Dadaamiya, gavka adaba haypa á kure wá, magakurnaamaga názena á kataná Dadaamiya. ²⁰ Amá má gakuruge haypa lauktu tá jakurá adaba nane wá, ma kwa bashu zladá keni, baaka ura á galakurgálá d'ekideki. Máki kwa bashu já adaba shagerire, aley kwa naba eksarhe wá, á vante higa ge Dadaamiya. ²¹ Dadaamiya a d'aaakur ba ge una nanna. Adaba *Almasiihu keni shaushe zladá adaba kure. An zladá-aara nanna wá, á marakurá ba garava á nja, geni kwá d'abaná á ba áte náza-aara. ²² Nane wá, maganaaka haypa d'ekideki, ce-naránka elva a fida am mbuwe-aara. ²³ Nane wá, ma zlazlarvaazlazle emnde keni, eptsater-naaka an zlazle d'ekideki. Ndza ta shanu zladá kwakya, amá a dú ba we-aara, a fetaare á ba an Dadaamiya nane Edda á shairiya jirire. ²⁴ Daaci a lyamivaare ba Almasiihu an ire-aara haypa-aha ge miya, a emtsa an nane áte dzangala. A magaa una nanna geni mí gevge ba seke má an emtsa áza haypa, amá má á ba an shifa á miya ge mága jirire. Adaba ververe-aha-aara, kure mbakuraambe. ²⁵ Werre wá, ndza kwa ba seke kyawe-aha na kedarkedá na, amá kina wá, sakuraasa, kwá am erva á Suni á piyakurá nane, baaka názu á geja shifa á kure d'ekideki.

3

Nwásha an zála-aha-aatare

¹ Kina wá, yá elvan ge kure nwásha: Faufa zherwe áte zála-aha á kure. Máki kwá an'kwa

magaterá una nanna wá, ukfe-aha a kure na zlaɓe fartarka zála-aha-aatare na keni, zala-aha-aatare nanna tá de shá enkale. Kwá de baterná kure-ka elva á Dadaamiya, amá tá de fetarfe ba itare an ire-aatare, adaba shagerire á zláála á nwaśha-aha-aatare. ² Watse tá nanna ba itare keni, geni baravbare zláála á kure, kwá anƙwa fá zherwe jipu áte itare. ³ Zariyire á kure a gevka an mága ngelawire ba seke ndera úgje na zariya jipu na, antara kazlaŋa á mága ngelawire na tá maganá an dindar, ira sandaa zarizariya. ⁴ Amá magaumága ngelawire á kure á sawa am ervaunɗe. Jeba á ngelawire nanna á zleka dekiɗeki. Amaana shagerire á enkale antara ervaunɗe. An daradza ba una nanna áza Dadaamiya. ⁵ Adaba nwaśha werre na dabartedaba Dadaamiya, ta fete tama-aatare áte nane na wá, itare ta magán ba estuwa ngelawire-aatare, ta faa zherwe jipu áte zála-aha-aatare. ⁶ Yehauteyeha Saraatu, mukse á Ibrahimima werre. Nane a magán ba estuwa ngelawire-aara, a faa zherwe jipu áte zhele-aara, a daana an dada. Kure keni, máki mag-akurka lyawa ge daba Dadaamiya, kwá anƙwa maga ba shagerire wá, gakurevge egdzara á Saraatu nanna.

⁷ Kina wá, yá elvan ge kure zála: Kure keni nawanana nwaśha-aha á kure ba shagera, faufa zherwe. Diyaweddiye ganakini gergere ndzedfa-aatare antara náza á kure. Adaba shifa na a vakurtaa Dadaamiya na wá, a vakurte ge kure antara itare bademme. Nawaternŋa á ba áte una nanna, lauktu á daada maduwa á kure

ádeza Dadaamiya.

Sha zlaɗa aɗaba jirire

⁸ Yá anƙwa fakurarfe zlaɓe ádaliye ge kure baɗemme, enƙale á kure á gevge palle, magamága zezarzure am dagave á kure, wayawapte-waye am dagave á kure ba shagera. Zlaɓe ádaliye gawevge emnde a maggwe antara emnde a kemaare. ⁹ Má edda-aara a magakurte emtaŋkire wá, kure eptsawanaaka an emtaŋkire mazla-aara. Ma edda-aara a zlazlakurzlazle keni, epsawanaaka an zlazle. Arge una ɗanna wá, bawanánba ge edda-aara: Dadaamiya a vakteva shifa. Aɗaba Dadaamiya a daakur ba ge una ɗanna kure keni. ¹⁰ Anƙwa an puwa am wakita á Dadaamiya, a ba ɗane:

«Edda una má á kata emtakire am shifa-aara, geni a gedetegedá wá, a ɗanaaɗa nara-aara ge valya elva yaiyaihe, antara fida.

¹¹ Zlaɓe ádaliye a yanya mága kemaŋgerire, a emmaga shagerire an ervaunɗe-aara palle, a ettataya hairire an emnde ma vaatara keni.

¹² Aɗaba Dadaamiya wá, á fateru hyema ba ge emnde a mága jirire. Baɗemme á názena tá yekaná itare, á vaterteva. Amá emnde a mága danɗwire wá, á eptsaterá ba iga.»

¹³ Daaci má kwá anƙwa maga ba shagerire an ervaunɗe á kure palle wá, baaka ura á gaku-raptege ɗekideki ge magakura kemaŋgerire.

¹⁴ Amá wá, ma kwá anƙwa shá zlaɗa kina, aɗaba shagerire na kwá anƙwa maganá kure keni, watse higa yaikke ge kure. Kuvauterka

emnde d'ekid'eki, a gazleka ervaun'ḡe á kure. ¹⁵ Kure wá, d'emawanved'ema kure ba *Almasiihu am ervaun'ḡe á kure, a gevge ba ḡane palle Yaakadada á kure. Ma vaatara keni njawinja á ba am niya á kure ge vaterte jawapa ge emnde na tá se ndava ázekure, áte tama na kwá faná kure áte Yaisu Almasiihu. ¹⁶ Má kwá an'kwa vaterte jawapa ḡanna wá, vawaterteva an shagerire á ervaun'ḡe, kwá ámbera á fá zherwe áte itare. Ma vaatara keni magaumága slera á kure á ba an shagerire á ervaun'ḡe. Estuwa wá, ma ta zlazlakurzlazla emnde adaba shagerire á zlaláva á kure am elva á Yaisu Almasiihu keni, watse zherwe ba ge itare. ¹⁷ Máki una ḡanna namaari á Dadaamiya wá, shagera ba kwá shá zlad'a adaba shagerire, arge una tá shakuru zlad'a adaba haypa á kure.

¹⁸ *Almasiihu wá, ḡane a naba emtsehe adaba haypa á emnde. A emtsehe ba ser palle, zlanazle slera-aara bademme. ḡane dzayye ervaun'ḡe-aara, amá a emtsaa adaba emnde na baaka jirire-aatare. A magaa una ḡanna, geni á damiyá ḡane ádeza Dadaamiya. Jareja shifa-aara, amá Shedekwe Cud'ed'ḡe a naba fem shifa am ḡane zlab'e adaliye. ¹⁹ An hákuma á Shedekwe Cud'ed'ḡe ḡanna maa, a de balateraa elva á Dadaamiya ge shedekwe-aha na tá am dan'gay na. ²⁰ Shedekwe-aha ḡanna wá, ba shedekwe-aha á emnde na ndza degdege ire-aatare ge cena elva á Dadaamiya am zamane á *Nuhu na. Dadaamiya a fater ervaun'ḡe kwakya, amá Nuhu a zlau ba estuwa am slera á mága paare, cenarka. Ba emnde tiise una ta

deme am paare ñanna, Dadaamiya a ñezlaterse itare an yawe ñanna. ²¹ Yawe na ta ñezlesaa itare an ñane na wá, gevge ba seke baptisma na tá magakurán ge kure kina, Dadaamiya á ñezlakurá an ñane na. Yawe á baptisma ñanna wá, gergere antara yawe ba dey na emnde tá bára an ñane. Adaba mí ñala áza Dadaamiya, geni á baramiyá ervaunđe. Yaisu Almasiihu wá, ñane tsetse am faya. Adaba una ñanna á ñezlakurñezla baptisma. ²² Kina wá, ñane eptsapta á dem samaya, anƙwa am naɗafa á Dadaamiya. Á kwaraterá ñane malika-aha á Dadaamiya antara shedekwe-aha umele na tá an hákuma am samaya na baɗemme.

4

Njawanja an shifa na anwaslire

¹ Ba seke una ni *Almasiihu se shaushe zlaɗa am duniya na wá, kure keni wavauwava ganakini enƙale á kure a gevge palle antara ñane, ma ge shá zlaɗa-ara keni. Adaba má edda-aara a naba eksar shá zlaɗa wá, a yaa ba mága haypa. ² Daaci kina wá, tsante am vatena dem halawuwa á shifa á kure am duniya na wá, magauka názena á kataná ire á kure mazla-aara, magaumága namaari á Dadaamiya. ³ Njá á kure werre na ndza kwá maga ba názena wayaaka Dadaamiya na wá, hyaahya mazla-aara. Adaba slera á kure ndza ba mága zawarire, dakarire, ndza kwa emnde a mbazla jipu, ndza kwa emnde a waya dem tate á gusa mandzawe, ndza kwa

emnde a kezlan ugje ge hele arge d̄aba shairiya-aha á Dadaamiya.

⁴ Amá kina wá, kwa emnde ɲanna-ka mazla-aara. Tá maga ba najipu-aara emnde na zlaɓe tá á ba am kazlaɲa ɲanna, tá zlazlakurzlazle ad̄aba kwá d̄ábaterka mazla-aara á dem tate á mága haypa ɲanna. ⁵ Amá ákatafke á sleshairiya wá, watse tá diyeddiye slera-aha-aatare ɲanna bad̄emme. Edda una watse á kyaná ɲane shairiya á emnde a faya an emnde na tá an shifa, á ufa ba itare. ⁶ Náza á emnde a faya wá, ndza naranna palasa am duniya ba seke una ni emnde bad̄emme tá njá ba ge ɲane na. Amá Yaisu Almasiihu a de magateraa waazu am faya ɲanna, geni itare keni a sharansha shifa na an ɲane Dadaamiya.

Magaumága názena a fakuraara Dadaamiya

⁷ Kina wá, herzhapteherzhe halavuwá á duksa bad̄emme. Ad̄aba una ɲanna faufa hyema, pauka hare d̄ekid̄eki ge mága maduwa. ⁸ Duksa yaikke wá, magaumaga wayavire am dagave á kure an ervaun̄de á kure palle, ad̄aba ba wayavire una á ganse haypa kwakya am dagave á emnde. ⁹ Ma ware á kure keni, a lyevaalya ura-aara á ba an higa am huɗe á há-aara.

¹⁰ Ma ware á kure keni, a effa hyema áte hákuma á mága duksa na a faraa Dadaamiya ge ɲane. Magawateránmaga shagerire ge emnde an hákuma ɲanna. ¹¹ Edda una a shaa hákuma á mága waazu, a ndaha ba elva á Dadaamiya. Edda una a shaa hákuma á melateru ge emnde am slera, a emmága an ndzed̄a na a vanta

Dadaamiya. Daaci am názena kwá maganá kure bademme wá, emnde a galargálá Dadaamiya adaba Yaisu *Almasiihu. Yaikkire an hákuma ba náza-aara dem ba ge dekideki. *Aamin.

Sha zlaɗa adaba zhera á Yaisu

¹² Daaci ma anƙwa zlaɗa áte kure kina keni, a wesheka ire á kure emnde-aaruwa, zharauka seke duksa na ni a shaa ba kure palle; Dadaamiya á kurá ba fetarfire á kure an ɗane. ¹³ Baira fawarfe ge higa á kure, adaba gakurevge palle antara *Almasiihu am zlaɗa-aha na a shanaa ɗane. Vacite na má de samsa ɗane am yaikkire-aara, watse higa yaikke ge kure zlaɗe adaliye. ¹⁴ Má tá anƙwa zlazlakurzlazle emnde adaba kwa emnde á Almasiihu wá, higa yaikke ge kure, adaba Shedekwe Cufedɗe á Dadaamiya á se njá am kure an yaikkire-aara. ¹⁵ Amá a jerka zlaɗe ura am dagave á kure á shá zlaɗa adaba mandzawire-aara, bi a jaa shifa, bi a ilu duksa á ura, bi a deme am elva á emnde. ¹⁶ Má edda-aara á shá zlaɗa adaba Almasiihu wá, a wanka zherwe dekideki, a slafannaaslafa we-aara ge Dadaamiya adaba fetarfire na a shanaa ɗane, párákke áza emnde bademme na.

¹⁷ Kina wá, herzhe shairiya á emnde bademme. Diyaweddiye geni Dadaamiya á de fantau á ba áte emnde-aara zuɗɗwe. Má Dadaamiya zatervarka ge emnde-aara, watse á tse áme kena náza á emnde na fartarka áte labare á higa na a belanaa ɗane? ¹⁸ Anƙwa an puwa am wakita á Dadaamiya, a ba ɗane:

«Má ta ɲezla zlahhe emnde a jirire mu, watse estara náza á emnde a mága mandzawire na dɓabarka Dadaamiya na?»

¹⁹ Daaci estuwa, emnde na tá aɲkwa shá zlaɗa aɗaba namaari á Dadaamiya na wá, a faranemfa itare shifa-aatare am erva ba ge Slenderaterndera, ɲane á eptseka elva-aara dekiɗeki. A magarmága shagerire, a yaranka dekiɗeki.

5

Fawaterufe hyema ge emnde á Dadaamiya

¹ Kina wá, yá elvan ge male-aha á kure kwa emnde á Dadaamiya. Iya keni, ya slesawari á emnde a fetarfe ba seke itare, ya seyde á Yaisu *Almasiihu am zlaɗa-aha-aara baɗemme; iya keni watse yá á ba an sleɗe-aaruwa am yaikkire-aara má de samsa ɲane. Náwa názu yá yekaná ázekure: ² Fawaterufe hyema ba shagera ge emnde á Dadaamiya na tá am erva á kure, ba seke suni á fateru hyema ge kyawe-aha-aara. Magauka slera ɲanna áte laarire, amá magaumága aɗaba a wayetaa ba ervaunɗe á kure. Magauka aɗaba waya á nalmane, amá aɗaba a eksesaa ba ervaunɗe á kure slera ɲanna áte namaari á Dadaamiya. ³ Magauka yaikkire arge itare, amá marawateránmara zláwá shagera, ganakini a dɓabarakurɗaba itare keni. ⁴ Máki magakurnaamága slera á kure áte una ɲanna wá, watse kwá shá *ɗaɲkaula na á zleka daráɗza-aara dekiɗeki na, má watse samsa Male á suni-aha baɗemme.

⁵ Kina wá, yá elvan ge kure dawalaa: Faufa zherwe áte male-aha á kure. Amá bademme á kure ákatafke á Dadaamiya, ma ware keni a ganaaga ire-aara á katafke á emnde. Adaba a ba wakita á Dadaamiya:

«Dadaamiya a lyiyeka emnde na tá gálá ire, amá á magaterá ngurna ge emnde na tá anƙwa ga ire-aatare á dem áhá.»

⁶ Adaba una ñanna, gawanaaga ire á kure á katafke á Dadaamiya na Slekse ba ñane palle na, á de kakuránteka ñane má daada áte náza-aara.

⁷ Dzamauka defikdefiki ma uwe keni, fawanemfa am erva ba ge ñane, adaba ñane Slefakuru hyema.

⁸ Faufa hyema áte ire á kure, tsakautsaka hyema, adaba kelaade á kure Shaitaine tsantetse hala-aara, anƙwa tsagwada ba ura ge kedanaakeda, ba seke mága á ervare na á waná waya á tsegwada názu á ezza. ⁹ Ma vaatara keni vawánteka baráma defikdefiki, fautarfe á ba áte Dadaamiya. Diyakurdiya emnde umele keni kwakya am duniya na tá anƙwa shá zlada ba seke kure. ¹⁰ Má shakurushe zlada am sarte cekwaanƙuɗi na wá, Dadaamiya na bademme á ngurna á magaterná ba ñane ge emnde na, á de magakuránmaga ngurna. Amaana á de gakurvege emnde na hyairephye am duksa bademme, á de ndzedakurtendzedá am duksa bademme, kwá de tsaatse, baaka názu á de dzegwándzegwa mbedakuraambedá defikdefiki. Adaba a daakuraa Dadaamiya ganakini kwá de njá antara *Almasiihu am yaikkire-aara náza dem ba ge defikdefiki. ¹¹ Hákuma ba náza á

Dadaamiya dem ba ge dekiddeki. *Aamin.

Ga use am halavuwa á elva-aha

¹² Kwaye ñane egdza wakita ñanna a meliwa Silwanus ge puwakurte ge kure. Ñane egdza emmemiya na yá ezzhara dzayye ervaunɗe-aara. An wakita ñanna wá, yá kátá fakurem ndzedá am vuwa, yá kátá kwá diyeddiye ñgurna jirire na a magakurnaa Dadaamiya. Daaci tsawaatse á ba áte ñgurna ñanna.

¹³ Emnde a fetarfe na a dzeratersaa Dadaamiya ba seke kure, tá am larde á *Babila áhuna, tá anɗkwa gakur use-aatare. Egdza-aaruwa Markus keni anɗkwa gakur use-aara. ¹⁴ Gauga use á ñere am dagave á kure baɗemme an ervaunɗe á egdza mamire.

Dadaamiya a vakurteva hairire ge kure emnde á *Almasiihu baɗemme.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

dec75dd5-4784-5059-aa00-668d508a6b0d